



## LATIHAN SIMULASI MYPEC

### JABATAN PELESENAN DEWAN BANDARAN MyPEC

#### **SYARAT-SYARAT TAMBAHAN PELESENAN – PANGGUNG WAYANG/PAWAGAM MINI (CINEPLEX)**

Pelesen / Pengusaha hendaklah mematuhi syarat-syarat seperti di bawah:

#### **1. FEE LESEN**

Fee lesen seperti di bawah hendaklah dijelaskan sebelum setiap tayangan diadakan.

<b><u>Premis – Panggung Wayang/ Panggung</u></b>	<b><u>RM Setahun</u></b>
Tidak melebihi 200 kerusi	400.00
Melebihi 200 kerusi tetapi tidak melebihi 400 kerusi	900.00
Melebihi 400 kerusi tetapi tidak melebihi 600 kerusi	1,100.00
Melebihi 600 kerusi tetapi tidak melebihi 800 kerusi	1,550.00
Melebihi 800 kerusi tetapi tidak melebihi 1000 kerusi	1,800.00
Melebihi 1000 kerusi tetapi tidak melebihi 1200 kerusi	2,000.00
Melebihi 1200 kerusi	2,200.00
Lesen Sementara	20.00 sehari
<b><u>Hiburan – Pameran Filem/ Sinematograf</u></b>	
Dalam panggung/panggung wayang tayangan/pertunjukan	RM5.00 setiap
Di tempat terbuka	RM5.00 sehari

#### **2. CUKAI HIBURAN**

Cukai hiburan hendaklah dijelaskan dalam masa 10 hari selepas tayangan mengikut bilangan tiket yang laku dijual. Penyata mengenainya hendaklah dikemukakan bersama untuk semakan dan pengesahan.

#### **3. WANG CAGARAN**

Pelesen/ pengusaha hendaklah menjelaskan wang sebanyak RM25,000 bagi sebuah Panggung Wayang dan RM5,000 bagi sebuah Cineplex dalam bentuk tunai/draf atau Jaminan Bank.

Sekiranya terdapat sejumlah wang cagaran dirampas oleh pentadbiran Dewan Bandaran MyPEC kerana pelanggaran syarat-syarat pelesenan, sejumlah wang yang telah dirampas itu hendaklah dibayar balik dalam masa seminggu.

#### 4. **MEMPAMERKAN LESEN**

Lesen hendaklah dipamerkan di premis berkenaan pada setiap masa.

#### 5. **KEBERSIHAN**

Premis dan kawasan persekitaran hendaklah sentiasa dalam keadaan bersih.

Tong-tong sampah hendaklah disediakan secukupnya.

Papan tanda 'DILARANG MEROKOK' juga hendaklah disediakan.

#### 6. **KESELAMATAN/ HALANGAN**

Pelesen/Pengusaha hendaklah memastikan ciri-ciri keselamatan dipatuhi dan peralatan-peralatan bomba mencukupi.

Peralatan dan keperluan bagi sistem pengudaraan premis hendaklah diadakan juga.

Ruang tangga, pintu masuk dan keluar hendaklah sentiasa bebas daripada sebarang halangan.

#### 7. **PAPAN NOTIS/ IKLAN**

Senarai harga tiket dan waktu pertunjukan/tayangan hendaklah dipamerkan di kaunter jualan tiket.

Setiap pemasangan iklan / papan tanda hendaklah mendapat lesen terlebih dahulu.

Sebarang poster / gambar-gambar lucu dan mengghairahkan tidak dibenarkan ditampal di dinding-dinding atau mana-mana bahagian panggung.

Papan iklan yang tidak berkaitan tidak dibenarkan dipasang.

#### 8. **TIKET**

Semua tiket perlu dikemukakan ke Jabatan Pelesenan untuk dicop Timbalan Pemungut Cukai Hiburan (TPCH) sekurang-kurangnya 10 hari lebih awal daripada tarikh tayangan.

Tiket-tiket yang tidak mempunyai cop TPCH tidak boleh dijual di mana ianya menjadi satu kesalahan Undang-undang.

Sebarang pembaharuan kepada harga tiket tidak dibenarkan dijual tanpa kebenaran Jabatan Pelesenan.

Senarai nombor tiket-tiket yang bersiri hendaklah dikemukakan ke Jabatan ini sebelum dijual untuk didaftarkan.

#### 9. **TAYANGAN FILEM**






Setiap filem yang ditayangkan hendaklah mendapat kelulusan daripada Lembaga Penapisan Filem Malaysia (FINAS).

Pada awal tayangan filem, simbol klasifikasi filem hendaklah ditayangkan. Sekiranya filem berkenaan untuk tontonan 18 tahun ke atas, notis peringatan bagi filem yang akan ditayangkan itu hendaklah ditayangkan.

Semua bahan publisiti di dalam media cetak atau media elektronik termasuklah poster bagi sesuatu filem itu hendaklah ditunjukkan dengan jelas simbol klasifikasi bagi filem yang berkenaan.

Pengusaha-pengusaha wayang gambar hendaklah mematuhi supaya tidak membenarkan mereka yang di bawah umur menonton filem-filem yang dikategorikan untuk 18 tahun ke atas sahaja.

### **Simbol Klasifikasi Filem**

	<b><u>Simbol</u></b>	<b><u>Maksud</u></b>
9.5.1		Untuk tontonan umum, sesuai untuk ditonton oleh semua lapisan masyarakat.
9.5.2		Untuk tontonan 18 tahun ke atas. Filem ada mengandungi unsur-unsur seram yang tidak keterlaluan.
9.5.3		Untuk tontonan 18 tahun ke atas. Filem ada mengandungi unsur-unsur seks yang tidak keterlaluan.
9.5.4		Untuk tontonan 18 tahun ke atas. Filem ada mengandungi unsure-unsur yang menyentuh aspek-aspek agama, sosial atau politik.
9.5.5		Untuk tontonan 18 tahun ke atas. Filem ada mengandungi kombinasi dua atau lebih unsur-unsur ganas, seram dan seks yang tidak keterlaluan atau yang menyentuh aspek-aspek agama, sosial atau politik.

### **10. MENJUAL MINUMAN DAN MAKANAN RINGAN**

Kedai atau gerai yang menjual minuman dan makanan ringan di dalam sebuah panggung dikehendaki memohon lesen perniagaan terlebih dahulu. Pelesen juga dikehendaki menjaga kebersihan kedai dan kawasan sekitarnya. Minuman keras atau barang minuman yang memabukkan tidak dibenarkan dijual.

### **PERINGATAN**

Sekiranya pelesen / penganjur gagal mematuhi syarat-syarat seperti di atas, tindakan penguatkuasaan boleh diambil termasuk merampas wang cagaran di bawah Undang-undang Kecil Establisymen Makanan (WPKL) 1985, Akta Hiburan (WPKL) 1992, Kaedah-kaedah Hiburan (WPKL) 1993, Akta Duti Hiburan 1953 dan Undang-undang Kecil Iklan (WP) 1982 dan pindaan-pindaannya.

Jabatan Pelesenan,  
Dewan Bandaran MyPEC  
Mei 2009

Tingkat 22 Menara Safuan,  
No. 80 Jalan Ampang,  
50450 Kuala Lumpur.  
No. Tel: 03-20723802  
No. Faks: 03-20723804